

## **DIO I - NAČIN RASPOREĐIVANJA BUDŽETSKIH SREDSTAVA TEKUĆIH GRANTOVA NA NIVOU BOSNE I HERCEGOVINE**

Zakon o Budžetu institucija Bosne i Hercegovine i međunarodnih obaveza Bosne i Hercegovina za 2009. godinu („Službeni glasnik BiH“, broj 7/09) u članu 10. stav (3) definira da se tekući grant, koji je planiran u okviru budžeta Ministarstva za ljudska prava i izbjeglice Bosne i Hercegovine u skladu sa prethodno utvrđenom namjenom, raspoređuje Odlukom o rasporedu budžetskih sredstava koju donosi Vijeće ministara Bosne i Hercegovine.

U skladu sa navedenim propisom, prijedlog odluke priprema resorno ministarstvo, a odluku o rasporedu budžetskih sredstava za rješavanje problema Roma u oblasti zapošljavanja, stambenog zbrinjavanja, zdravstvene zaštite i realizacije programa evidentiranja i uspostave baze podataka o Romima u Bosni i Hercegovini donosi Vijeće ministara Bosne i Hercegovine.

Na osnovu člana 17. Zakona o Vijeću ministara Bosne i Hercegovine ("Službeni glasnik BiH", br. 30/03, 42/03, 81/06, 76/07, 81/07, 94/07 i 24/08), a u vezi s članom 10. stav (3) Zakona o Budžetu institucija Bosne i Hercegovine i međunarodnih obaveza Bosne i Hercegovina za 2009. godinu („Službeni glasnik BiH“, broj 7/09), Vijeće ministara Bosne i Hercegovine je na 90. sjednici, održanoj 11. juna 2009. godine, donijelo

### **ODLUKU**

**o rasporedu budžetskih sredstava za rješavanje problema Roma u oblasti zapošljavanja, stambenog zbrinjavanja, zdravstvene zaštite i realizacije programa evidentiranja i uspostave baze podataka o Romima u Bosni i Hercegovini**

#### **Član 1.**

#### **(Predmet odluke)**

(1) U skladu sa okvirnim odnosima (Federacija Bosne i Hercegovine 62,66%, Republika Srpska 31,33% i Brčko Distrikt Bosne i Hercegovine 6%) utvrđenim Akcionim planom Bosne i Hercegovine za rješavanje problema Roma u oblasti zapošljavanja, stambenog zbrinjavanja i zdravstvene zaštite (u daljem tekstu: Akcioni plan), te na osnovu prijedloga Koordinacionog odbora za praćenje provođenja Akcionog plana u oblasti zapošljavanja, stambenog zbrinjavanja i zdravstvene zaštite (u daljem tekstu: Koordinacioni odbor) sredstva u iznosu od 3.000.000 KM osigurana tekućim grantom u okviru budžeta Ministarstva za ljudska prava i izbjeglice Bosne i Hercegovine koja su namijenjena za rješavanje problema Roma u oblastima zapošljavanja, stambenog zbrinjavanja i zdravstvene zaštite za 2009. godinu, raspoređuju se prema utvrđenoj namjeni na sljedeći način:

- a) Za stambeno zbrinjavanje Roma.....1.863.000,00 KM
- b) Za zapošljavanje Roma..... 702.000,00 KM
- c) Za zdravstvenu zaštitu Roma.....135.000,00 KM
- d) Za evidentiranje i ustanovljavanje baze podataka o Romima u Bosne i Hercegovine  
.....300.000,00 KM.

(2) Sredstva iz stava (1) ovog člana mogu se udruživati sa sredstvima iste namjene koja su osigurana od strane općina, gradova, kantona, entiteta, domaćih i stranih vladinih i nevladinih organizacija i institucija i drugih domaćih i stranih donatora, što se uređuje ugovorom o

sufinansiranju između Ministarstva za ljudska prava i izbjeglice Bosne i Hercegovine i udružioica sredstava.

**Član 2.**  
**(Raspodjela sredstava za stambeno zbrinjavanje Roma)**

(1) Sredstva namijenjena za stambeno zbrinjavanje Roma u iznosu od 1.863.000,00 KM u 2009. godini, raspoređuju će se na sljedeći način:

- a) Za stambeno zbrinjavanje Roma u Federaciji Bosne i Hercegovine.....1.167.000,00 KM
- b) Za stambeno zbrinjavanje Roma u Republici Srpskoj..... 583.000,00 KM
- c) Za stambeno zbrinjavanje Roma u Brčko Distriktu Bosne i Hercegovine....113.000,00 KM.

(2) Sredstva su namijenjena za romska domaćinstva koja nemaju riješeno stambeno pitanje, a realiziraju se na sljedeći način:

- a) utrošak svih raspoloživih sredstava realizira se putem javnog poziva za prikupljanje projektnih prijedloga koji objavljuje Ministarstvo za ljudska prava i izbjeglice Bosne i Hercegovine.
- b) opće kriterije za korištenje i sva ostala pitanja u vezi sa realizacijom raspoloživih sredstava, u skladu sa ovom odlukom, posebnom odlukom uređuje ministar za ljudska prava i izbjeglice Bosne i Hercegovine u saradnji sa Koordinacionim odborom i Odborom za Rome pri Vijeću ministara Bosne i Hercegovine.

**Član 3.**  
**(Raspodjela sredstava za zapošljavanje Roma)**

(1) Sredstva namijenjena za zapošljavanje Roma u iznosu od 702.000,00 KM u 2009. godini, raspoređuju se na sljedeći način:

- a) Za zapošljavanje Roma u Federaciji Bosne i Hercegovine.....440.000,00 KM
- b) Za zapošljavanje Roma u Republici Srpskoj.....220.000,00 KM
- c) Za zapošljavanje Roma u Brčko Distriktu Bosne i Hercegovine .....42.000,00 KM

(2) Sredstva su namijenjena za stimuliranje zapošljavanja Roma kod poslodavaca, za poticanje samozapošljavanja Roma kod poslodavaca, za dokvalifikaciju i prekvalifikaciju Roma u svrhu zapošljavanja i samozapošljavanja, a realiziraju se putem zavoda za zapošljavanje entiteta i Brčko distrikta BiH (u daljem tekstu: zavodi za zapošljavanje) na osnovu javnih poziva koje raspisuju zavodi u cilju osiguravanja jednakopravnog pristupa sredstvima za rješavanje problema Roma u oblasti zapošljavanja.

(3) Ministarstvo za ljudska prava i izbjeglice Bosne i Hercegovine će, u skladu sa ovom odlukom, zaključiti memorandume o razumijevanju sa zavodima za zapošljavanje kojim će utvrditi način realizacije sredstava iz stava (1) ovog člana.

**Član 4.**  
**(Kriterij za raspodjelu sredstava za zdravstvenu zaštitu Roma)**

(1) Sredstva namijenjena za zdravstvenu zaštitu Roma u iznosu od 135.000,00 KM u 2009. godini, realiziraju se putem zavoda za zdravstvenu zaštitu entiteta i Brčko distrikta BiH (u daljem tekstu: zavodi za zdravstvenu zaštitu) raspoređuju se na sljedeći način:

- a) Za zdravstvenu zaštitu Roma u Federaciji Bosne i Hercegovine..... 84.500,00 KM

- b) Za zdravstvenu zaštitu Roma u Republici Srpskoj..... 42.300,00 KM
- c) Za zdravstvenu zaštitu Roma u Brčko Distriktu Bosne i Hercegovine .....8.200,00 KM

(2) Ministarstvo za ljudska prava i izbjeglice Bosne i Hercegovine će, u skladu sa ovom odlukom, zaključiti memorandume o razumijevanju sa zavodima za zdravstvenu zaštitu kojim će utvrditi način realizacije sredstava iz stava (1) ovog člana.

#### **Član 5.**

##### **(Sredstava za evidentiranje i uspostavu baze podataka o Romima)**

Sredstva u iznosu od 300.000,00 KM namijenjena za evidentiranje i uspostavu baze podataka o Romima u Bosni i Hercegovini bit će utrošena na osnovu Odluke Ministarstva za ljudska prava i izbjeglice Bosne i Hercegovine, kojom se utvrđuje sadržaj i način provođenja Programa evidentiranja i način uspostave baze podataka o Romima u Bosni i Hercegovini.

#### **Član 6**

##### **(Izvještavanje o namjenskom utrošku sredstava)**

Ministarstvo za ljudska prava i izbjeglice Bosne i Hercegovine će, odlukom iz čl. 2 i 5, odnosno memorandumom o razumijevanju iz čl. 3 i 4 ove odluke obavezati korisnike tekućih grantova da su dužni, putem Ministarstva za ljudska prava i izbjeglice Bosne i Hercegovine, dostaviti Ministarstvu finansija i trezora Bosne i Hercegovine izvještaj o namjenskom utrošku ovih sredstava u rokovima koji su propisani članom 22 Zakona o finansiranju institucija Bosne i Hercegovine ("Službeni glasnik BiH", broj 61/04).

#### **Član 7.**

##### **(Odgovornost za realizaciju odluke)**

Za realizaciju ove odluke zadužuju se Ministarstvo za ljudska prava i izbjeglice Bosne i Hercegovine i Ministarstvo finansija i trezora Bosne i Hercegovine .

#### **Član 8.**

##### **(Stupanje na snagu)**

Ova odluka stupa na snagu danom donošenja i objavljuje se u „Službenom glasniku BiH“.

VM broj\_\_\_\_\_/09  
juna 2009. godine  
Sarajevo

Predsjedavajući  
Vijeća ministara BiH  
dr. Nikola Špirić